

御纂醫宗金鑑卷十二

訂正仲景全書傷寒論註溫病篇

方無

清五卦景全書卷十二

續續宗全錄卷十二

御纂醫宗金鑑卷十二

訂正仲景全書傷寒論註

辨溫病脈證并治篇

內經言熱病皆傷寒之類也非謂類乎傷寒乃謂與傷寒同乎一類之病也蓋傷寒因傷時令之寒而得名也溫病熱病亦隨時而易其名耳經曰冬傷於寒則爲病熱此卽時而病者也經曰冬傷於寒春必病溫此過時而病者也經曰凡病傷寒而成溫者先夏至爲病溫後夏至爲病暑暑卽熱之謂也此隨時而病者也是則秋分已前皆得以熱病名之秋分已後皆得以傷寒名之矣此軒岐仲景立

傷寒溫病熱病之名義也經又云藏於精者春不病溫此明過時不病之原也經曰冬不藏精春必病溫此明過時必病之故也於此可知傷寒爲病不在精之藏與不藏而但有觸犯卽得爲病非若溫病熱病藏精則不病不藏精則必病也但能藏精者縱偶感於邪或溫或暑其病自輕不藏精者雖微感其邪或溫或暑其病必重差爲稍異耳若專以冬不藏精毫無外感爲少陰本病熱從內生則悖仲景溫病之旨矣仲景論中但言太陽初病發熱而渴不惡寒者爲溫病辨其非傷寒非謂太陽之寒不由表入竟從少陰之熱內生爲病也經又曰風溫爲病脈陰陽俱浮

是明指溫病之發因感春風輒動內熱而始發所以陰陽
脈俱浮也蓋以溫病風溫與熱病論互發其義但熱病一
論經已昭然若復立論未免贅疣非仲景詳於傷寒而畧
於溫證也今將伏氣溫病風溫合爲一篇其溫熱治法同
於六經讀者再細玩素問熱病論及刺熱評熱諸論與是
論互相參考自有得焉

師曰伏氣之病以意候之今月之內欲有伏氣假令舊有伏氣
當須脈之若脈微弱者當喉中痛似傷非喉痺也病人云實咽
中痛雖爾今復欲下利

註
四時令氣正氣也非時之氣邪氣也正氣之中人也淺感

之甚者卽病微者藏在肌膚不卽爲病壯實之人可以自
已邪氣之中人也深感之雖微亦卽爲病甚則直入於藏
不能自己虛者死焉此篇所謂伏氣之病卽四時令氣正
病非四時不正之邪與非常異氣之疫邪也所爲伏氣者
如感冬令之風寒其重者傷於榮衛卽時而發者名爲中
風傷寒是也其感之輕者伏藏於肌膚過時而發名爲溫
病是也故時氣伏氣之爲病二者不可不辨焉春三月名
曰發陳是伏氣欲發之月也假令舊有伏氣之人乘冬不
藏精之隙而病者當須以脈識之今月之內初病傷寒溫
病者脈若微弱是少陰脈也若喉中痛是少陰證也然其

痛必緩非若外感時氣之喉痺腫傷暴痛也今旣云實咽
中痛而脈又微弱故知爲少陰伏氣內發之陰火也雖爾
咽痛恐復欲下利不可以時氣外感陽火之喉痺治之也
外而至也

集註

張錫駒曰此條言伏氣之病由內而出非若時行卒病由

太陽病發熱而渴不惡寒者爲溫病發汗已身灼熱者名風溫
風溫爲病脈陰陽俱浮自汗出身重多眠睡鼻息必鼾語言難
出若被下者小便不利直視失溲若被火者微發黃色劇則如
驚癇時瘳癰若火熏之一逆尙引日再逆促命期

註

發熱不渴惡寒者太陽證也發熱而渴不惡寒者陽明證

也今太陽病始得之不俟寒邪變熱轉屬陽明而卽熱渴
不惡寒者知非太陽傷寒乃太陽溫病也由於膏粱之人
冬不藏精辛苦之人冬傷於寒內陰已虧外陽被鬱周身
經絡早成溫化所以至春一遇外邪卽從內應感寒邪者
則無汗名曰溫病當以河間法用水解散審其表裏以解
之水解散卽天水六一散防風通聖之合劑也感風邪者
則有汗名曰風溫當以水解散減麻黃加桂枝倍石膏令
微似汗以和之若大發其汗則益助蘊熱必令身熱如火
灼也蓋風溫爲病乃風邪外盛於表故陰陽六經俱浮熱
邪內壅於胸故多眠睡鼻息鼾也風邪傷衛表氣不固故

自汗出壯熱傷氣故身重倦聲微語難出也若被下者則愈奪陰液故水泉竭而小便不利也太陽府氣將絕故目直視也少陰藏氣不固故遺矢洩也若被火者則以火益火而陽氣熏灼將欲發黃故微發黃也劇者熱極生風故如驚癇時瘈瘲也微黃病深色漸加黑故若火熏之也溫病熱病不惡寒者表熱也口渴引飲者裏熱也表熱無寒故不宜汗裏熱無實故不宜下表裏俱熱尤不宜火曰一逆者若汗若下若火也再逆者汗而復下下而復火也一逆已令陰竭尚可延引時日再逆則陰立亡故曰促命期也傷寒者傷冬月之正寒也溫病熱病者傷三時之暴寒

也非時暴寒乃異氣也以其兼合氣而爲病也故春兼風
溫卽以風溫名之夏兼暑熱卽以暑熱名之世人通名曰
傷寒又名曰時氣醫工見其傳變六經表裏情狀皆同故
同乎一治也其溫病熱病無汗者宜大青龍湯時無汗時
有汗者宜桂枝二越婢一湯有汗者宜桂枝合白虎湯內
熱者防風通聖散表實者倍麻黃裏實者倍大黃量其病
之輕重藥之多少而解之三日之前未有不愈者其有外
感邪重內早傷陰已經汗下而不愈者則當審其表裏隨
其傳變所見之證治之可也此法惟西北二方四時皆可
行之無不隨手取效若江淮間地偏煖處冬月初春乃可

用之若春末秋前卽脈證允合當用麻桂青龍等湯者亦必輕而減之隨證消息適可卽止慎不可過過則反致變逆經所謂同病異治者此之謂也

集註

程知曰溫病熱自內出故發熱而渴不惡寒風溫內外交

熱加之自汗故有身重多眠諸證有輕重死生之分醫者當以有汗無汗爲辨別之大要亦卽以可汗不可汗爲救治之微權又曰仲景之青龍白虎神矣得此意而推廣之可以應用於不窮蓋溫病宜於發散中重加清涼風溫不可於清涼中重加發散也

程應旂曰太陽初得之一日卽發熱而渴不惡寒者因邪

氣早已內蓄其外感於太陽特其發端耳其內蓄之熱固
非一朝一夕矣蓋自冬不藏精而傷於寒時腎陰已虧一
交春陽發動即病未發而周身經絡已莫非陽盛陰虛之
氣所布獲所云至春發為溫病者蓋自其胚胎受之也

音切

𦵏

音旱

痼

音開

瘕

音熾

癰

音蹤

長髮取曰鬚鬚燕自內出於經絡而感不惡寒風屬內伏交

遊歷通脈同氣異味皆此之謂也

後野而如之謂諸節息脈可謂也則不可假微服又更難

民之性春木火而明也蓋六合當用微時清熱於陰

御纂醫宗金鑑卷十三

訂正仲景全書傷寒論註痙濕暍病篇目錄

桂枝加葛根湯

桂枝附子去桂枝加白朮湯

甘草附子湯

信五訓景全書齋集詩堂盛則藏蘇目錄

附藥譜宗金鑑卷十三

御纂醫宗金鑑卷十三

訂正仲景全書傷寒論註

辨瘧濕暍病脈證并治篇

經云諸瘧項強皆屬於濕又云諸暴強直皆屬於風論曰
太陽病發汗太多因成瘧夫六氣皆足以致瘧不專在濕
也六經皆有瘧證亦不專在太陽一經也蓋身以後屬太
陽凡頭項強急項背八八脊強反張腰似折髀不可以曲
𦞙如結皆太陽瘧也身以前屬陽明頭面動搖口噤齒齧
缺盆紐痛脚攣急皆陽明瘧也身之側屬少陽口眼喎邪
手足牽引兩脇拘急半身不遂皆少陽瘧也至若腹內拘

急因吐利後而四肢攣急者未嘗非太陰瘧也惡寒踰臥
尻以代踵脊以代頭俯而不能仰者未嘗非少陰瘧也畢
丸上升宗筋下注少腹裏急陰中拘攣膝脛拘急者未嘗
非厥陰瘧也大抵瘧以狀名而瘧因筋急故凡六經筋病
皆得以瘧稱之其因於風寒者必發熱惡寒而無汗其脈
浮緊其狀身強直而口噤卽經所云諸病強直皆屬於風
者也其勢勁急故名曰剛瘧其因於風濕者發熱汗出不
惡寒其脈浮緩其狀頭強八八而身不强直卽經所云諸
瘧項強皆屬於濕者也其勢濡弱故名曰柔瘧若夫因誤
汗亡陽津竭無以養筋而致瘧者卽本論所云太陽病發